

sucht/ Harnwinde/ für das Grimmen im Leib. Thut
auff die verstopfte Lebern/ vnd Milz. Ein Weinges
macht von Andorn im Herbst/ täglich getruncken/ reis
niget innerliche Glieder/ vnd behält die offen.

Andorn Wasser.

Die Wurzel/ Kraut vnd Stengel vndereinander
gehack't/ vnd distilliert im Ende des Meyens. Des
Morgens vnd Abends getruncken auff drey Loth/ ist
gut für den Husten/ Engbrüstigkeit/ Blutspeyen/ Was
fersucht/ stärcket den Magen/ Brust/ Lung/ Leber/
Milz/ Nieren vnd Blasen.

Zu zeiten zwey Loth/ von Schwängern Frawen ge
truncken/ kräftiget vnd stärcket die Kinder/ gibt gute
Vernunft/ das Haupt damit bestrichen.

Das Wasser von Andorn gesotten/ heylet alle böse
Grind/ Schuppen/ Flechten vnd Zittermäher.

Item die Laug darin schwarzer Andorn gesotten/
ist nuzlich den Grindigin außgebrochenen Köpfen/
damit gewaschen.

Das Pulver von Andorn kräutten/ heylet die Feyß
wätzen.

Alraun.

Diese Wurzel ist Kalt vnd trucken/ im dritten
Grad.

Davon gessen oder getruncken/ machet also
hart schlaffen/ daß man Glieder von dem Leib
schneiden nicht empfindet.

Alraun rinden dreyer Zeller Gewichte schwer/ für
der Frawen Gemächte gehalten/ bringet ihre zeit/ vnd
treibet auß die todte Geburt. Auch die Wurzel in
Wein gesotten/ auff's Gicht gelegt/ stillt der Glieder
Wehethumb.

Von allerhand Arzney/

Alraun Wasser.



Kraut vnd Wurzel gestossen / vnd im ende des Meyens gebrendt. Zwen oder drey Tag Morgens vnd abends die Strich vnd Schläff damit bestrichen / ist gut für das Hauptwehe / das von Hitz kompt / machet den Menschen Schlaffen / löschet auch alle Hitz / Tücher darinnen genezet / vnd übergeschlagen am Tag drey mahl / vertreibet also alle We-

hetagen vnd Apostemen.

Bingelkraut.

Scheißkraut / Mercuriuskraut / Scheißmilt.

Dies heiß vnd trucken am ersten Grad / gessen weicher den Bauch / benimpt wässerige Feuchtigkeit / vnd dieses Krauts safft genützt mit einer Capaunen brühe / ist gut dem zerschwellenen Magen / machet lüfftig vmb die Brust / benimpt das Reichen / vnd auff ein zerschwellen Bauch geschmieret / bringet Stulgang. Ja wiltu auch ein gute Laxativum machen / so nimme ein handvoll dieses Krauts / siede es in Capaunen oder Hünner brühe / vnd trinck es bringet sanffte Stulgang.

Bingel